

北

游

錄

北游錄紀文

賦

改宮賦

萬歲山賦

魁突賦

序

賢人訓序代作未用

榮命馳壽序代作未用

賀御史中丞秋聲曹公榮任序代

張使君賑飢冊序代

朱方菴詩稿序代

贈司成章臨生序代

賀張中甫鄉薦序代

張生已榜膺有序代

賀薛進士高第序代

賀陳抑之新居序代

壽太常熊伯廿五序代

壽胡太公序代

壽一品夫人曹太母七十序代

六十自壽序

記

思陵記

游西山記

有市記

大悲庵記

傳

王介人傳

黃石齋先生遺事

書

設侯公說項羽書

擬蘇武報武帝書

上大司農陳惠荅書

上太僕曾秋壑書

寄吳默實太史書

上吳駿公太史書

上霍晉齋大理書

寄張元岳書

寄徐道力書

寄張連侯書

與浦江鄭維特書

寄李楚柔書

與廖去矜書

北游錄紀文

鹽官談述原本著

去古昔日以遠獨場屋之文盛行于世豈子勝衣  
以上或脫翽登籍即本其場屋稍易句格曰此古  
文詞也士群而趨之余所見徃：世也而居恒不  
善場屋偷布衣以老曾入長安度未能謝掌記之  
業間觸興寄深欲自悔如食而梗忤得一嘔之為  
快于是所病驟然于人期吾黨共見之倘其可療  
雖青盲何患焉故紀文

故宮賦

朔風乍慄飛沙漫、金臺弛策荆丘解鞍雲遠塞上  
水咽桑乾求荆高于市筑朔騎衍之古滴狗屠不再  
燭石已殘白虹流數素琴解惟徘徊起坐仰天獨歎  
于茲二三友人侈述長安導以游娛之樂中以鉅鹿  
之觀僕未志數畧奏其竒維天地壽維日月明昔者  
幽陵定鼎涿鹿載平驅斥遠漠攸宅二京左紫滄海  
右拔太行枕居庸而襟河濟席磐石而勢建瓴下我  
郡郭重拓帝城神木自初燕石相迎皇穹肇宇鬼躍  
神營模建康之隆揖法紫極之崇閭羅楚蜀之柶梓  
呈滇黔之丹青白朝曰社朝門建衛午樓矗々受桂



告成進為三殿奉天朝正奉天羊蓋註身三殿嘉二

明二極左順門改合極門更開華英右武英殿日精

月華乾清坤寧門右月華宮左日精在禮路寢沉穆清

掖庭永巷時百其名弋獲古訓勅票先型端凝懋勤

昭仁弘德並乾清殿天法祖聲色恭默韜緯悌德

隅抑脫簪香燕椒儀元翼承乾翔坤鍾粹魚飭承

翔坤鍾粹俱宮名居育妃等聞雞鳴而交鑿郵羊半而不執寧慶

為養尊之地慈寧慈慶仁壽等興龍為儲教之祥宮東

張風示重農之旨風亭太液分銀漢之光西津聯

星布微垣蒼虹梁雲棟藻振碧宮琤階琪樹僚繞

琳浪果愚靜御屈成嚴裝秋霜零而柿猶艷炎威散  
而槐欲涼丈內長庚榆栢樹一株內西苑遙靚陌彼

長楊虎園屏藩夫之喋々雄場東南越之荒莽世而

師禹之俗戒秦之狂文朝文譽超越未與金莖報潤

露臺息壤故明堂致詞靈囿鳴鏘才如子雲不賦其

校獵地如脩杜不騁其驕驩奉環球于無外走梯航

于萬方嘗臬南越之首于北闕組老上之頸于葉街

扶掖天祿蹲伏廷階肯胸鑿齒靡遠不懷鼓鐘赫濯

澤及枯爰緬想全盛终于山崖聽之嘆嗟置予殷憂

井桐如昨宮梧猶陰草根墜露望際踈砧壯甘設而

不圖簾栊懸品失音祀姑之幡久仆爵獻之矣奚尋  
或問上皇于鸛鵒或倚帛書于上林忽、今古追恨  
何深儀不司隸歌不黍離臺澎康鹿苑茂蔭恭月落  
空沼霜侵彤帷華鯨閉響羽林罷園止筆思諫垂堂  
慮危煌、廊廟香不可進寒蟄社燕惆悵無知仍緒  
芳沆于舊壘發餘韻于遺墉增悲加悼情何能持勉  
綴其事少抒疚思屈宋過慨班張靡嗟哉故宮天或  
鑒之

萬歲山賦有序

萬歲山俗稱煤山相傳漫北有山徵異氣金時輩致  
其土于燕積成今北豆禁築條以周廬天樞拱護綿  
五鉤陳嘗自安定門度鐘鼓樓仰眺其外角陰抱陽  
索、澗、在春如秋在晝如寐汨條承蹴更不忍瞬  
嗟乎蕞臺罷舞燕城興悲故國之咸諒非一人况哀  
纏松柏之下踴值鼎成之時徇未三良惜爾九五枯  
涕難宣命楮中臆賦曰  
翳運會之不常兮俄見折園樞方開空之霍霧兮天  
夢、而未醒走神鹿于咸陽兮墜傳璽于洛城今紫

極之沉、兮仍萬歲以為名淵驚慈之玉氣兮克歆  
蔓之交橫羌喬灌之餘陰兮日霑霽而欲傾祈陳辭  
以囁嚅兮先投泪以吞聲曰社稷之為重兮惟 先  
皇之守任非成都奉天之難退兮亦乾侯之不我輕  
隨望夷之黔首兮耻椒茵之劍櫻雖杜維之崩陷兮  
猶比殷于星寔覽興亡于千祀兮禪漢晉而東秦嬰  
汨淫、以不收兮慨鴻鈞之失平克邦家之儉勤兮  
何昏夙之稍寧自任事之調極兮始其禍于烏程又  
武陵宜興之襲舛兮曾不慮中民萌寔聲鼓而罔兮  
任疥癬以不爭迨潢池之流清兮更端林之兼并恃

軍容于朝恩子出神策之禁兵統有司之要係子歐  
盜賊于鐵砧上求言之日切子下積微之弥生累  
至尊于一擲弓決終古之英聲知義憤之耿々子駕  
虹霓以上征將百身之莫贖子觸道弓之怦々仰窮  
碧落下黃泉兮終龍髯之易零移蒼山于蒼梧子豈  
湘流之能清哽胸臆之摧裂子炯精衛于東瀛目遙  
流而伫胎子徒結恨于崇崗亂曰丘夷淵寔景命淪  
春秋縹緲于焉甚子傾厦危棟誰枝拄子身殉社稷  
昭三光子左騂格澤鼓蜚廉子六龍促轡遽濛汜子  
神農虞夏奄忽組子何山不童夫精燼子曉彼高岡  
血漣如子哉：萬歲莫之與京兮

懋哭賦 有序

游燕更謁俄館人薦飴云祀竈之餽也土風觸目愴  
然興慨淵明乞食菜蕪生塵竈士之哭者不得黔沈  
僕髮種種延餘息煮經烹史久慚媚竈道里遼遠  
度未我諒俗云謁日竈神告成事于帝果其對越我  
罪伊何西陽雜俎竈神曰張隗又名單字子都神号  
朝灼或嘉惠曲學宥其涼薄不以疎外見討因作懋  
哭賦其詞曰  
翳余生之弗辰予腹康莊以中樞驚脩塗之懸阻予  
行歲盡之淒凜聞商梓之地戶予值嘉平之載幸羌  
漢騰之此更予竟我躬之未恤曷昔人之媚竈予亦

鄉俗之共述虔遇祗之潔齊子媿歟生之獨失何冷  
哭之沉：子嘗經司而陽七採恭藿以不能子稻粱  
十不得具一枉子郭之長禦子期陳蔡之見嫉匪晉  
陽之產蛙子終唐風之慙焮彼阿衡之割烹子能負  
鼎于島日况少君之黃金子云祀竈而即溢汝稟賦  
之謗劣子甘僞剛之雜匹釣淮陰之消波子樵會稽  
之橡栗曾侏儒之飲望子徒漂緗之膠漆倘靈魚之  
可聚子何翳桑之足疾嗟汝行之多違子勉轍迷而  
一出仰天危之餘澄子恥雉膏之不寔厯原憲之三



句予守曾參之任質推極量于西山予抑燧人之政  
秩苟素志之或諒予雖茹荼而猶暄五侯不足為鯖  
子禁鳥不足為鮑開鍊珠之堂子檢食經之逸災晉  
臺之熊蹯子薦楚君之水堙充富貴之倉情予祇一  
能而已畢鳴鐵腸而私謂予恒強顏以抱膝乞大神  
之隆墜子毋炎々之慨詰肩榆糜以為娘子揚糠竅  
于土室寧殘喘之待盡子庸盜泉之敢濡彼蠟薪之  
上豪子既山中而海乙今炊烟之垂絕子無燼餘之

萬一余自問其何嗣子甯康艱<sub>子</sub>萬鑑謹陳辭以矢  
罪予企南天而哀林曰薄誼之可原予求真宰之仰  
惠情凡奎之僅存予庶我執而我秣莫墮凱之少嗣  
予乞土塊其誰叱呼黃衣而昭告予容卒歲于叢帙

野人訓序代

宣尼繫易曰可久則賢人之德可大則賢人之業繇  
是言之德業非賢者不立也必期于久大而後足以  
副之否則一節一事取異流俗亦曲學中材等耳曷  
足賢哉惟聖達節維賢守節賢與聖相去一間耳三  
代而下聖人吾不得而見之矣賢人未始乏也傳曰  
國將昌賢人附其樹績廊廟流澤生民者多著人耳  
目不待言矣而或有隱德遺業其身未即用而未即  
顯而道範文心迴非時勢所及德以基之行以防之  
才以恢之智以研之多同其所就分量稍有偏全其

為賢同也禮稱上賢以崇德又曰賢者狎而敬之畏  
而愛之方編徵其人于是先輯糾牒牒列品行斯誠  
可久可大者哉言規行矩揭標以求誰曰自棄者蒙  
養之初君子以果行育德蓋所造于賢聖如此其切  
也勉之哉仰法千古以為諸賢勸

榮命馳壽序代作未用

涿鹿相國上章言臣母侯氏春秋八十有七日安里  
金陽月懸悅容臣暫輟直脩爵 天子嘉異謂自昔  
上衮斯之特喻其清門下諸史此為祖道復推語某  
日宰臣調元協和胥當世而壽之今酌大斗受玉衡  
藉重相國太平與象太夫人篤為人瑞誠格天之左  
契也願有以彰之某起謝曰猗與盛哉是未易數之  
見也人臣崛起側陋致位卿輔大都鼎軸之日深庭  
幃之日淡古名相拔身耕釣偏吏間佐縣官成一統  
之業宣無色養而史氏佚之猶推其所自出其顯名

子親何如也宋初丞相有母舅范質明時興化李文  
定常熟嚴文靖江陵張文忠並雙壽願其嗣弄哉晚  
之今日上而千古下而相國隻哉其選也且黼黻皇  
猷煦枯潤槁亭萬類而濡九垓士庶喁喁引領而額  
曰今日起冢清書佐太平于馬上伊其人哉惟相  
國以也相國簡在最早施澤於民久載馳載驅載色  
載笑有太夫人以儀之太和在宇宙間受茲介福于  
其王母宏天子孝治之意蓋至深且廣也今觴太夫  
人必問天下大計則備述治狀社稷之福也諸大夫  
之力也臣獲奉熊丸畫荻之教以母教失墜則太夫

色益開必勉相國曰吾老人事健也若爾其脂輟入  
直以仰承天子之休命敬不竭燮趨事亦一從也有  
三善焉揚我帝眎則錫類之仁也迪我家慶則燕喜  
之篤也子道也出而娛親入而俶駕夙夜匪懈相國  
可以慰罔極而報靡盬者詎有量哉臣道備見之矣  
諸史氏職在紀載宜特書以彰其盛某無能為役倘  
他日述異典者庶權輿于此矣

賀御史中丞曹秋壑榮任序代

日者天子廣言路許中外條國家大計納言秋壑曹  
公首應詔規畫剴切章十上情深而慮周上大是之  
次第褒答有咨警之風焉亡何晉曹公御史中丞舉  
朝動色相慶日上明于知人朝久恪勤合宮之訪于  
幽遐無遺者刻在交戟之內跼項三九藻鏡在心而  
又齊被以承之韋玄以規之勗哉中丞固天子所以  
鼓勵當世為言路勸也或曰上素知公常不盡于此  
自阪泉以來反首蔑余率先鱗翼者公也誕敷文教



艾聞草昧迄今多士思皇者公也國家起于瀚海  
駿駒駘秣最盛其西方盡白東方盡青馳北方盡  
驍南方盡驍古罔牧所未有公再佐其政秉心塞淵  
可知也尋典屬國貳容臺白雉旅焚之有皂囊綠綈  
之封並旦夕堂次不敢休以仰副嘉命而今中丞及  
之矣進任進進上母為稱薪公亦母為傳舍況中丞  
佐天之所左左<sup>之</sup>天之所右右之其秩雄峻外我  
公莫適任也于是舉朝又勃色相望曰今而後嶽峙  
淵渟培植護元俾善類恃以無恐者繫我公也愚聞  
之為君必君為臣臣寬肅宣惠君也敬恪恭儉臣  
也今天子本國而功成施偏而民阜其何事不徹敬

所以承命也。恪所以守業也。恭所以給事也。儉所以足用也。觀于我公全之矣。得全之昌其何任不堪。上任事而徹下能堪其任。所以爲令聞長世也。今之曰于我公。卜休徵焉。漢法御史大夫與丞相等重。或稱行丞相事。如韓安國中丞二在內。則掌蘭臺祕受公卿奏事。舉劾按章。今御史大夫爲令。肥龔公萬夫之望也。同德鈞量。偕公于法。男之上自昔鮮邁。更足慶矣。于是諸大夫登公堂。賦天保之三章。公拜手曰。主上之明也。百尔君子有同。幸焉。某不敏。未之敢任。諸

大夫復更端賦鵲衣公悚然曰某敬拜諸大夫之不  
貳也辟之草衣君之臭味也敢不承命諸大夫將出  
賦嘉樂公逡巡避席曰某始願不及此抑諸大夫之  
哀言在風袒匪懈以事一人某所自効在振鷺之  
章矣諸大夫善其答備書之于簡

賀都諫兩嵐王公榮擢序

國家開天之始即設諫院析垣有六出入禁庭補<sub>過</sub>格  
道皇：乎如有求也嘗採中外之望授其言已左之  
右之歷勅祿上旨拜都諫館方寸之策領垣事崇  
論閭議諸堦屬目且駁：隣卿貳步槐棘自耳目而  
心膂焉無難也往吾鄉兩嵐王公由內史迨次史垣  
感荷知遇蹇：謫：齊人生不嫌呵而王公益無有  
孤介行一意可否不惟其衆惟其當每松楸之下金  
執甲乙賴公而定封事朝工而夕可止輦轉圓曰介  
曰吁非天子明聖不及此而公遂有以成之今尋

部諫為戶恒夫國家大計孰倫于擇吏安民吏非其人則塗雜民不安其生則本撥故統以部大臣而諫院隨之為弼維其闕而匡救其失非備而官已也今版圖初定戶口尚殷徭賦待覈錢穀期會或未中程又水旱荒疇為守令憂以杭元々之命咸于公乎哉之司農任其割戶恒任其和奉之一人而為姓斯食矣公所寄秦重其志志矣報上以為社稷計餘以光我鄉國豈侯予言之贅也余不敏從枌榆間稔知公又悉其家世沁州先生號廉惠啟公經世之業其第孝廉君及諸子連翩鵲起集慶而駢輝王氏之興

未有量也而公新除道禮闈之後所拔雋若而人幸  
公漸柄用布羔雁致賀余謂公所就大矣雖鄉曲義  
母以私潤故原典制規國計見公方懷之為國家効  
即善知人能得士亦一節耳其下及于二東者公之  
餘也余不敏何足以盡之哉

跋王紫崖出塞記

南人不跡遼瀋者三十二年今紫崖氏割挈馬兔而東走噴灤河之嘉魚觀海上之飛鶴虎嘯狼呼與柝柝相應亦東游之快事也其敘道里述聞見潔而不蕪茲今昔之感如人絕壘空道妍桃李時發荒屯鵲塢聞征人竊客過之不引泪如緝縻惟有鼻吸三斗醋耳昔邵陽令胡喻為遼蕭掌書記隨入其當周廣順二年亡昧記云自幽州西北入店庸關明日又西北入石門關又三日至可汗州南望五台山又三

日至新武州西北行五十里有鷄鳴山明日入永定  
關唐故關也又四日至昧化州又二日登天嶺四望  
冥然明日再行過徐數月乃至榆關至儒州又皆漠  
地矣論者謂嶠所歷數州計程甚多而武州即為昧  
化儒州逼近可汗自古俱為中土不出二百里間而  
嶠云以遠域侈之耳歐陽氏輕採之五代史周廣順  
去石晉時頗近所傳聞固已如此今事混一而東  
陸隔久人毋敢輕試足焉請紫崖氏記知不作胡嶠  
之周則時異之也竊為紫崖氏幸矣



張使君張饒冊序代

昨津門不歲有蜚鴻之感轉運森岳張使君適弭節  
其地到倅勸分焦然不寧萬其目殫其力所以軫念  
之無遺策津門之人塗歌巷咏其声徹于長安不佞  
得逖聽作而歌曰河內不得汲長孺則河內槁青川  
不得富彥國則青川殫然青川雖使相其職也河內  
其郵也恆情于專職則不敢不勉稍非其任或手而  
袖焉猶不曰秦越人之視也故長在汲長孺尤難雖  
然幸官有餘康得矯制發賑設公儲不從長孺其如  
之何將河內之父老子弟索于枯魚之肆矣長孺之

以河內著亦時之遭也張使君主鹽筴其所部雖煮  
海之祗自有司牧方萬口喁、仰籲于當路初不曰  
必張使君裨我哺我也而使君坐時食不甘味宵不  
安寢念彼此離帝號者孰非吾同體也與哉天之窮  
狗極矣耳目之前疇其忍之一案一廩俱使君精思  
區畫未嘗膜隔其民也奪之于魚腹起之于溝瘠雖  
鵠形鵠面也不填委于道塹其德倍于鬻桑萬、也  
津門之人能誦之而不佞則早徵之于吾婁蓋使君  
日者守吾婁創夷甫定化刀劍為牛犢化蓬蘽為弦  
誦飾閨宮而禮英舊婁之人思之無已時而在吾婁

則猶富彥國之青州也本秩也今弭節津門不異漢  
之廷遣噓植其民且不費官銀事與汲長孺較烈而  
進之矣鹽筴之興首筦大夫筦子天下才用齊、重  
桑孔劉晏李巽之徒無不資鹽筴有能推德宇下加  
惠元元如使君者乎春秋之義大夫出疆有可以利  
社稷者得為之則使君蓋行古之道不佞據史漢之  
已事述吾婆之近見以為津門俯猶圍于方之內也

朱方菴詩稿序 代

詩始三百篇今請三百篇遂可以稱詩乎白首窮經  
帖焉嗟焉食生而不化或梯榮獵華韻頌世資于風  
人之義無當也雅頌寢以遠今學士大夫雖稱詩禘  
漢祖唐禘宋嗣元各就其質之所近琢而瑩之啜醴  
者易飲擗芳者易渝于是人相襲而代相訾曰彼等  
之濫曰此帝之敝罔其源未嘗以三百篇入也古今  
異時今房中之歌秋風之詞源于雅頌採芻白石戾  
虺登篋源于風弄杜巨擘一代供奉長于寄興工部  
長於比事其託賦一也詰其指歸要不能外三百篇

而馳之吾方菴故善毛鄭之業制義流布人々膾炙  
而靈心得聞更工吟咏其抒寫性情陶鑄萬象俱本  
典觀羣怨之意或離境以標素或錯采以自適或率  
白而任潔或後思而極矣出之途無窮按其嫡系則  
章而習之之三百篇也噫吳人比屋稱詩甲旂鼓而  
乙壇坫非瑯琊歷下之糟粕即公安竟陵之腥腐也  
邾莒未賦曹鄒無訕如吾方菴宵其餘勇必奪蟄孤  
以登矣古者太史觀風採詩第媿非其人異時者清  
廟明堂之什並隆千古疇其任之必吾方菴以也

贈司成章瑞生序 代

長安浩穰其人雜寰宇而萃之百業並驚機巧奸利  
嘗不可窮詰攷漢時至探赤白丸檠鼓時挾晉王丞  
相云無此不成京城都蓋示宏輦轂而吏于其上微繩  
隱伏相習為理不上難乎國家特遣旁史彈壓之旁  
史威望尊重不能毛舉瑣末又以司城分地而任纖  
介之事得以調決其重且鉅者輒白之旁史故不與  
他散秩等日者會稽章瑞生任北城於官為亞而統  
轄坊曲簿領繁雜視其長不甚懸也且今之任北城  
異于往代往代署郡城之內今外之雖曰外之而都

城之內為舊屬猶遙領焉以膏腴勲庸之下固俱奉  
法循理萬一奴客傭保飲食細故詬訐凌忤如漢霍  
氏蹋門諱之不可詰之不能所謂河南不可問在漢  
皇子猶知之而為司城計殊未易塞其有也瑞生筮  
仲霸州又領工部將作五斗折腰並在輦轂則于都  
人情偽九市別悍洞如觀火吾知其不下堂而治矣  
雖然古人有言君門遠于萬里今幸地之近儼在咫  
尺果克称厥任里無伏奸案無滯牘且也陰無私僻  
立可奏最超次稍或失當即易吏不能蒙之況于上  
乎願瑞生益自勉周行非坦孟門非險謹于自持而

已也諸鄉戚雅善臨生屬予一言予方有厚望故述  
其大旨如此期毋與俗同也



賀張中甫鄉薦序 代

近制廣科目之登凡在牙下自國俗蒙古以及遼左之士並試京兆如荀元左右榜今秋右榜遼左張子中甫預焉知戚交忤謂中甫穎異沉修宜其遇也茲以告不佞則目擊盛事竊謂闕門翺俊國家于賢書有非以恒格待者不佞既列掌故嘗瀏覽往牒試得而詳言之士人應舉唐宋雖有試合格而官稍忤則棄之如遺即甲榜才十數人可指而數也其後漸以拓終不能如今額選金亦然前元自太宗始占中原用耶律楚材以科舉選士至世祖定天下王鶚獻議

許衡立法事未果行及仁宗皇慶二年始定科舉然  
終元之世百餘載惟皇慶四年延祐二年五年順帝  
至元二年十四年十六年六科而已每一舉不及百  
人如江浙行省統三十路數千里之地解額僅蒙古  
五人色目十人南士二十八人土無可進之路多旣  
首據史又鄉貢多二名漢其名蒙古其諱蓋徃代之  
艱遇如此今息戈褭弓以來即行賓興祀歌鹿鳴而  
進之凡五矣唐宋恒其額前元疎其目惟今日也  
于多士邇之獲隲者六十人于古無有也中甫少年  
乘時奮庸非邇逢之極際乎哉聞中甫先人守濟南

伯氏宰祁門祁門之子士偉亦乙榜門祚顯榮且繼  
繼而上之射策取上第致身青雲之上豈有量哉維  
然科目見長猶易耳士所當為者不止是韓昌黎文  
起八代之衰僅預鄉貢其子永進士第一人以不辨  
金根母無能舉其名則科目未能盡重人待人而重  
也文運方隆闕顧中甫自期待母與俗同以副國家  
得人之盛故不佞備述掌故揚厲休烈將來知感更  
磨礱而瑱之矣

張生乙榜膺有序代

令甲秋闈乙榜許貢太學于是登左張

應其格

或曰惜也入之彀中限之額外或曰此金僕姑也一  
發飲石沒羽不欲以魯縞薄之蓋附毛達龜之技也  
魏舒所以見奇耳繇二說相提而論並隅見也夫人  
之際會何常之有一雲一龍一蛇故遇則依日月而  
拔霄漢否則乘下澤之車射獵南山足矣未為不適  
也張子在通塞之間而年始踰冠方窮經績學屹々  
臺々脫去凡近擬型先結政其時也闡膺之甲之乙  
甲非遂軒乙非遂輕軒輕在俗吾心不受焉朝叩夕

嗚誰禁我者且令甲待乙榜良不薄俾拜太學需次  
錄用吏應舉如初漢制最重太學羣天下鋒穎之士  
列櫺門辟水之內交湍互礪公卿大夫莫不折節致  
禮焉豪傑僻遠膏輟首企足歎未得受業其地如李  
邕符融輩幸一至為快今張子蒙主司賞識進之咸  
均詎可謂非遇乎哉張子既需次其阿大中郎歌鹿  
鳴之之首章彬々一門咸藉安玄帟千載則賓客交  
賀有以也異日者策名槐苑橋門辟水直鳴矢耳豈  
足以九仞我勉旃張子塞拭目望之矣

賀薛

進士高第序代

大河以北山川延袤其氣磅礴恢博不剗不隘流為  
人文朗々揭日月廓榛莽蔚然儒宗如唐韓退之氏  
元許平仲氏隻于往代學士大夫慕說之謂詞望理  
自鄒魯後不數々也退之進士解褐子昶亦舉進士  
第一平仲官祭酒間有元絕學子即歆亦祭酒或德  
必世似之續之今又見于河陽薛竹塢先生先生退  
臥隆古精說奧篇洋洋灑灑冠代之才也適會興運  
師表咸均自先生始遠接平仲脉退之四門博士時  
軼之矣既蒸爰多士而于家學甚督厲六籍為苗金

百氏為閭閻登其門絃誦之聲琅琅金石今家君  
上而宮對策高第閭者快之曰薛先生之德世矣其  
代興宜也夫良弓而子箕良治而子裘沿其故而善  
成之天下讓習焉或執本以齊末漸非其初矣李文  
饒相業顯當世不屑甲第竟任子起家則子治之說  
也薛先生咀仁枕義履禮飭樂方陶鑄一代起退之  
平仲而合其轍何論子治哉然家學漸清逮肖而神  
應試、奕、其門駟馬其理鳴珂天雖有以重厚之  
而先生所自植亦豈有涯量哉大行王屋皖地數千  
里縈以大河鍾以清濟極中州奧區退之平仲光後

四百年間值令其時也于先生三之名位懸合所以  
紹今明德而推其緒于無窮矣且重為 望直今日  
高地才哉諸門故于先生篤世誼布羔雁稱賀以余  
曰藉嘗道中州稔知先生為原本山川模引古昔有  
繇來矣



賀陳抑之新居序 代

越人陳抑之僑津門有年矣治鹽筴起家夫越人善  
實其天性也計然少伯且以強言佐偏霸于一家乎  
何有津門舟車輻輳尤今日之閩也其人多煮海秦  
晉諸豪趨利如鶩廬于兩者毋敢以錐刀競而陳氏  
揅其奇贏旋宿旋售昧他轉販諸縣道者軟捷也于  
是積其羨文起第宅自門而屬之廬自廬自而屬之  
嘗自堂而屬之寢並易其規制增堅加壯塗斲甃墁  
之工未易月日舉者陳氏次第應之抑何裕也越人

雖善書類縮口節腹諱土木而謝藻績余間游越中  
舊閭鼎、受之上世一椽一桷毋或妄溢焉者宋元  
以來一二考槃尚可指而數也何言締造哉非締造  
之艱也多重視其橐稍足以蔽風雨支堂梅華門圭  
甯亦任之矣其走四方廉賈三之貪賈五之<sup>智</sup>盡能  
索恒以其居為蓬藁不之侈也頃者遭革運通都大  
邑號為神皋隩區門列戟而里鳴珂高臺曲榭便房  
廣除徃、春燕不及梁秋蛩不及砌于是諸富人堦  
朱提之出孔相務為撲滿輒曰環堵可安美哉輪美  
哉奐嘻其甚矣以彼株守未之茲非也然用財如流  
水與其消、不如澹、丈夫亦為所欲為耳安在客

膝之經而國構之為骨乎一勞永逸一創永守陳氏  
卜宅豈無意哉豈無意哉以陳氏土斷利津門而輕  
去其越直甌脫耳語有之雖有餘麻母棄管蒯吾且  
以新居為晉大夫之祝

壽太常熊伯甘五十序代

壬辰朔江之右謁太常進賢熊水鑑先生敬佩諄切  
且返棹適先生始艾為留一昔時旅裝如洗或問所  
以壽先生者對曰龍沙之識于江右最著嗟、仙籍  
雖千百年代應其期自非卓犖瑰璋者不與焉以今  
聽之必先生傳也敢以玄廬壽先生听然而笑曰果  
尔凡江之右俱可祝也寧獨不佞于茲某更欲以進  
曰仙靈恂恍其事不經獨不聞蓮社之諸賢鹿洞之  
二大儒乎其人名德也其書理闡也千秋萬歲誰能  
越此先生方儉德闕議敢以耆舊壽先生曰子休矣

吾家寒、古今人豈相及哉某循牆久之乃前曰熊  
氏之德世矣神明之胃寔冠而服遠明三百年業、  
若、埒于楊袁王謝而大司馬之勳望不異圻父先  
生繼之旅常在前藝苑在後敢以鼎闕壽先生起謝  
曰不腆弓裘諸大夫之力也先司馬之教也予不敢  
僅太守府方懼稍越以為子史氏辱未敢聞命某再  
拜颺言曰羨尔烏傷達先生釋褐蒞焉春風、人春  
雨、人仲既銜載某無似獲進而教之門桃李而野  
甘棠今之日秋毫皆先生賜也敢以道愛壽先生達  
巡避席曰日者屬多故非覬燭則完蒲愧未起海壑

而肉之子史氏之言溢矣寧規無誣某蓋主臣手一  
卮曰先生毋多讓名位可以自致感德大業不聞主  
組也先生有水部而侍養甫亦常而不社寢尋驚魑  
駭魍之間九天九地寢食自如更以適型餘藻漱千  
古而淑表襮商是維臯比上籍壇坫騷雅俾操觚之  
士息斤輟翰毋或岐其趨于冥山者先生之近轍不  
其猶龍乎先生曰子所望不淺勉旃不佞敬舉子文  
氏之觴于是交竿無算某退而序之始解維以東

壽胡太公序代

曰者縣官修憲考之典下郡國賓禮耆舊蓋三代之  
教也庠序當世于茲讓德莫先焉竊計守名今度奉  
尺一母敢後第茲山澤之癯以當于康衢擊壤庶其  
人北萬一 天子臨辟雍引五更三老環橋門拭目  
者無萬數疇為任之竊屈指豫計則吾山陰胡太公  
母茲隕之者何也闕冉遺其年松喬遺其秩莊列遺  
其嗣天之徵於人者百不一也華之祝備矣不曰奇  
箕之壽尤備之矣一曰壽非壽之相為避也古之  
人亦曰造物閔此久矣能析不能合析之即景慶之

值也今之即急角之全也駢臻而輻輳世不恆有我  
太公不啻佐縣事乎百里之邑代館其綬子之斯名  
謁黷未均更創殘彫瘵之餘煦覆而蒸息之登其民  
于春臺之上尋晉司城犖敷浩穰至不可窮詰肅也  
而秋盎然而春梓鼓銷于社席戶徹都下竟掛冠去  
之時伯子方席木天戟筆禁近應名世之運經術養  
望煌、我馨聞于天簡在倚毗旦晚間謨謀密勿以  
展我太公未究之蘊胥天下待命焉獨一邑一城之  
為僅、也然而太公抽其緒猶江河之源也導之無  
朕注之無竟漢淪游浩、澤、走千萬里而莫之



止淵哉太公其威德蓋若斯之深且廣也故自太史  
下二惠親夷麟而趾發而羽浙河以東餘慶孰如太  
公遐迕聞之意太公必杖玉鳴琴紫芝萑髮非故而  
太公春秋財四十有七不啻少壯得金、昌天所私  
於太公者豈其微哉懸弧之日在閏夏太公方游淮  
上東適南至諸大夫投簡于某國私幸牽德如太公  
雖在辭尊勝于二千石之官雖在成年勝于數百載  
之算矧猶此而往日衍日裕蒲車安輪徵詣朝廷修  
國老故事至尊降割乞言垂憲以式都人翊太公是  
望則今之日直如嗚失云尔故樂書之以同當代之

盛

壽一品夫人曾太母七十序代

以余觀于曾太母豈不為瑰璋特立序邀于天者哉  
何言瑰璋特立也先都督以良家子出入行間樹功  
塞垣備位樞密衮玉封縢至亨貴矣其佩紫仗劍不  
向家人生產一切內柄委重太母都督曰孫吳尉繚  
之書可治戎報國太母曰司馬穰苴之法兼可御威  
獲督耕農于是農興寢門闔侍呼外舍某專餐若何  
某專圃若何某專役若何曰幾祖肆氣塵聘間我道  
下至廝養卒中馬走皆有程又賓客雜至上者不使  
彈鋏下者不使割馬韉終夕而畢都督公餘祇問酒

捨拔白波耳都督雖不家于官其值日以進則太母  
以也諸子習都督之道風家君為太母之自出令謝  
環衛益治經術而任俠自喜漁陽大豪三河少年傾  
慕之如市太母不以姻處為解勉家君曰孝心名聞  
閭中鄭莊千里置郵汝其慎哉此皆孝、可紀所謂  
瑰璋獨立者非耶今春王正月太母年七十矣諸子  
禱觴重茵累豆奉太母堂上孫次之婿又次之宗婣  
以迎列羅拜之餘地至于祀下或獻悅或進腹布幣  
充階太母至不勝答頤之而已一時觀者侈之從子  
孝慮君來以告余輒然曰太母之邀于天厚矣非人

之所及也才可以致卿相而不能贏一日之算力可  
以富番楚而不敢必百年之榮如彼衛霍卓鄭山澤  
之擁或得策杖而傲之矧太母身受翟璜春秋奉中  
宮朝賀儀倍恒等而酌此春酒以介眉壽指目前青  
髦而屈數之如太母者幾也天中非人之所及矣夫  
徵事則瑰璋特立太母自為壽也徵義同天而祝之  
余雖不文敢不從孝廉君之後効其屈辭矣

六十自壽序

癸巳十月癸亥朔癸酉抵長安明日為攬揆之辰周  
一甲子矣居恒獨吟嘯慕古遇事好徵引往昔今  
人起家百金以上于初度客廣至而觴之是于義何  
居也崧高之詩匡子于其君有殷望焉非流虹繞電  
之日也漢祖初置酒長樂宮羣臣以次上壽久武安  
侯起為壽坐皆避席伏凡酌者之辭俱云壽通主客  
言之而觴齊年者未知其所始必古人不專重意秦  
漢間人臣朝賀其後王公卿士浸以成俗蓋習見朝

典而也噫累俎崇爵彈絲竹極一日之權而後可  
中下之家終歲菽藿至期益市牛酒夜洒掃張具至  
旦令門下候客至日中未敢嘗食豪長者操席窈睨  
笑之末俗流倣然矣然富貴亦未盡生而致之  
也方其潛蒿萊之下同貧等賤衛將軍求免于笞罵  
朱買臣寢及于溝壑雖生之日也時為壽乎故壽而  
富貴幸也非情也記甲申正月既望御史大夫陽城  
張觀山先生初度徧齊梁吳晉之士余首座劇飲先  
生顧諸客曰冠進賢而來者趾高氣揚僕視其中無  
所有也雖一窮褐胸中有書若干卷深相禮重噫先  
生佳矣而余益衰莫童習之書尚不能舉其句猶能

人首藉引伏道左誠天之逋民也即嘯、慕方能以  
隻語仰付于先型乎無有也耕夫之粟吾得而縻之  
工女之帛吾得而敝之忽々六旬無尺寸自櫛旦夕  
間委之道路猶下為螻蟻爭何言壽哉何言壽哉回  
省嗟而識之如此

思陵記

西蜀吳國受錄云先帝后葬于貴妃田氏園心竊  
疑之凡自燕來輒問狀已丑夏邑人計元忠介瑜云  
昌平諸生某葬之李舒章能言其名氏癸巳秋臨清  
會吳經厯四方亂時昌平人趙一桂署州幕兵從予  
給事幕中預方中之役今汪子滯永平未返也甲午  
春武康韋人龍曰歟塚哉適弓不可問矣蓋得之寺  
人云曰約秋謁嘗告吳駿公先生曰否吾師孫章  
孝太虛貳祀部憲任政卜其說人殊尋章南還決  
獨往八月朔昧爽走宣武門二里待啟又十二里德



勝門山色謀面忘其竭變六里土城舊土城古藺丘  
也十二里清河三十里沙河俱石梁如虹列肆殷也  
沙河行宮僅謁陵一昔萬曆中城之曰翠華千雉翼  
翼恐長楊五柞甘泉翠微雖游蹕未盡城也以足飢  
策蹇甚安之二十里宿昌平南門會驟雨肯酒一升  
中夜星射知不負吾履蚤啖鉢飽出西門羣山奔向  
惟銀泉山之是向謂蛻龍處也旋折十二里平疇曠  
狂漸入小紅門其門圯左山嶺崢嶸披榛丹甍在  
望卑其制直越而過之俄向塗之人曰思陵也若銀  
泉山倫此尚三里回視殿額金書思陵于是返步灌

莽及于滕故司礼太監王承恩投環死順治乙酉四月陪葬思陵之坤隅勒其旌勅于石相距三十尋圍垣如長叩彤門平城左偏其戶先是于山下值老閹拱向余何往曰銀泉山曰銀泉山頗甚客何耽焉遽而去塗之人曰此思陵守璫許公也至是徘徊陵門外悔交臂失之第泣拜耳四其於垣得六十武仍泣拜而下道旁憇一卷適前閹許公在余嘆曰積恨十載重墮百里而咫尺不即叩孤生豈有幸哉許氏曰吾先朝老奴旦夕奉詞而牧圉之不戒遂食息于西園西園者所殯世廟諸妃也距思陵里許客能遠至

吾豈敢愛其門牡命隸者持自西園于是余仍趨而  
前啟石鑄為饗殿三楹奉先帝木主內殿加峻其  
碑恢宇端皇帝陵首篆大明金書殿額思陵亦金書  
進為思陵所至泣拜噫南宋世祖賁人殷氏卒長史  
江智淵謚曰恢上以不盡嘉祐後卒而山東馬至殷  
氏墓以鞭指石柱謂智淵曰此上不容有恢字今一  
杯之土鞠為茂草酸棗數本高不四五尺求一號焉  
之樹不可得以此言恢曰楚曰晉誰其受之因伏門  
下問所葬許氏曰故貴妃田氏園也再閱歲昊天不  
弔大盜委先帝后梓宮于昌平昌平之仲褐合力

襄事明年始有新命加寔寧祠春秋吾獲洒掃于茲  
非政卜也祀田六頃闌人二陵戶八清明霜降日萬  
羊豕致昨巡守己丑裁田僅一頃以歲之不给三具  
牲然不敢藝也今祀諸陵于大紅門具羊豕本陵如  
庶人禮朔望時才臘燕凡香正旦七月望冬至各蔬  
茹私薦非田出租也差奴力瘁昨朔日二十錢市燭  
獻茗甌三告田官家節屆中秋矣聽之泪淫々不自  
禁又雜以他語負陵之山如覆敦者何也曰俗云金  
碧似無據客從東南來石仿我々自紅門達于長陵  
二十里有河前繞分左右而南諸陵諸河北皇子妃

主園並河之南長陵天造龍蓋寓內客獨無意諸陵  
乎余謝不敏別去還逆旅主人曰脫荀妃未即土處  
及于難千秋萬歲後蝼蟻何慕焉余聞其言益痛嗟  
乎 先帝不諱歟有適茲雖銅南山石為擲銅陳夏  
紮漆其間于大行無裨萬一號山之穴宮窿如下天  
泄于暴楚至牧監煨其骨秦人不之哀也今愁雲荒  
隴間行人進悼幽宮之側泪無乾土陷空沉陸羣情  
銜切豈徒然哉故逗覆姓說而按之曰道聲初墮孤  
援犬猿違間橋山其委而去之勢也乘輿道路三尺  
之嬰痛心疾首伸褐同義情也游及鼎羊推沾霜露

又時也十年之疑豁于一旦事不身涉曷足信乎或  
曰先帝異時詔稱思宗烈皇帝而余所據以北上  
志目也

游郝山記

郝山蓋滕之南部也古滕最褊小幅員不五十里今  
山距邑三舍而遙別號于不茅而贏于編戶矣山嘗  
屬沛見金大定二十年石刻安知春秋時山不更有  
屬也吾郝說等為臨沂著姓滕近沂故山以郝名山  
周三里高二十餘尋距運河里許最便涉而例以卑  
淺置之余出燕以來習河伯而跡巨靈見一培塿膏  
色動于是攬衣以登財數百武耳巔平廣可數十畝  
去見出土二寸大以吾鄉物意其先廢寺也南望微  
山湖隔運河一隄山據湖中如伏虬如隱虹吞若郝

山者八九遠波濕汗膏沐望泓興天無際鄰山藉之  
增其勝不啻軒轅而輕此也山南弥陀寺俗傳即示  
箇寺為宋相呂文穆乞食處自人共指為奇蹟而寔  
非也文穆微時于洛陽之龍門利涉院土室中與溫  
仲舒讀書令僕破窻存此揚州示箇寺為唐相王播  
隱處齊東野食圖于文穆雖鄰山藉重寔迷其祖矣  
寺金元石刻二俱重修弥陀院院記金永安三年立其  
上都省公牒則滕陽軍申請付院僧者門殿堂厨若  
干佛像尺寸若干一一備列元碑則滕州所記銜先  
寺僧右吏右吏曰臬右判官某右知州某右校尉蓋



夷文左行非早先于尊也金元遺制不意于村院微  
之且記曰東有鄆子之城西有漢祖之鄉蓋微山以  
南豐沛徐邳諸山相屬赤帝子之所興也龍文五采  
寓目隱映其鄆嘗臨沂諸山蜿蜒于左鄆子之城余  
先世所以受氏也余不敢僅忘守府不可以不書

周易輯要序

古易彖傳爻象各自為次宗朱子作本義始比附而  
合之學者宗焉而漢以來諸家訓故並廢然刻本兼  
程傳行之成化間奉化教諭歐矩專刻本義而程傳  
又廢今朱氏無不家戶喻之也其說無可議而童習  
白舛始焉筌蹄繼焉糟粕或標<sup>刻</sup>剝文離以見其長夫  
義文之旨雖與古周孔之愛雖殷切而其道易簡炳  
如日星今舍易而艱求之舍簡而繁引之譬康莊在

前更寧穴闕徑非如此如天之周道也烏傷朱義傳  
手錄本義微有增損期為制舉之嚆矢適與易簡之  
道合不墮入雲霧中也意宣尼以假年之力韋編三  
絕而後人膚脉之尋行數墨甚者肢之烏闕勉旃義  
儒可以誌易矣朱子筮易而得遯余方以自託豈足  
為義儒道哉

游西山記

予結髮慕燕之西山也幸身當其地非冬苦寒今春  
苦水及秋而往毋失也八月意獨往友人朱義儒請  
與俱壯之余寒而徒出西便門北即夕月墮松柏多  
痺郊原雨沫飛塵不揚禮神街背西直門而西非精  
廬則佳城也有靖遠伯王氏墓其忠毅公後人守至  
八里莊為劇聚慈壽寺故塔谷大周地為厝而子孝  
定皇后以祝釐建寺立浮屠戊寅成帝制闕傑旁摩  
訶法藏二卷尤沉寢歷二里高家莊宜北竟以西道  
行凡十餘里見禪寺黃瓦丹楹似一二尼心黑之已

知為黃村之保明寺也。俗曰皇姑寺。又西若干里。土  
瘠而萊山色初在。晚轉行。轉漸豈山。隨我而移。耶。哺  
後風逆其南。橫一山。不相附。且盡其程。向塗之人不  
一值。將畏塗。遂戒俄自天仙廟北。久之。沿其麓。曠間  
蕭瑟。徒見幢幃。經習禮。楊顯名墓。壯甚。又失道。入慈  
仁菴。僧引經歷。佛光司<sub>持</sub>白松二懼。夕亟問碧雲寺。久  
之。松徑板橋。澗声出。殿下。從寺門而左。修廡若干楹。  
鐫砌三寸。引泉如綫。下注于澗者也。砌又列柿相屬。  
寔繁。如懸。蔡宿藏經閣之左。廂結朝。登閣。翼以翠  
微。朝爽加鮮。其良隅為園。石辟四圍。卓錫泉出。辟間。

滂滂垂怒救監軍御史吳阿衡文書龍湫似溢北堂  
多細竹亭其南神祖書楮水天一色蒼松古柏今還  
去階石刊夾枰二左鐫草書不能詳右鐫詩莫怪追  
歡嘆語頻尋思離亂可傷神爾來指屈從頭數得外  
清平有幾人黃鶴樓前吹笛時石籬紅翠滿江頭衰  
情欲訴無人會只有清風明月知先生詩正德丁  
卯孟秋刻又而銀杏樹園三人甲于西山偏崇垣不  
克展園地雖數十弓洞天沉：冬月歲花別為石室  
園右陟山之麓故司禮于絳差經侍武宗怙寵治  
寔竄立寺窮極土木欲邀蹕不果墓詞六經曰旌勞

司禮曹 劉吉祥孫暹其詞曰表忠曰獎勞曰忠勤

並次旌勞之西其東清直祠別孫 並初建又左祠

而未刻樹碑二無字心疑之稍進石門故罪商魏忠

賢塚先焉向之則名下萬九思嘗掠于建州甲申從

入長安瘞魏氏衣冠也并刻虛詞曰嘆李林甫所枉

于身後逆賢招魂于穢餘雖非定論在彼奸後亦難

料也各塚十九俱因經門似猶憶若敖氏雖饒終過

之矣還禮太雄殿出池上馮石梁朱魚游泳萬曆壬

午戊子 神祖再幸張帷飲于石梁時寺僧俱匿鳳

凰山神祖入祖師殿撫宸像亟授寺僧對曰此西域

國王太子出世來始祖達摩也始色解遺黼座焉  
今廢已游壽安寺東距五里間道度絕壑石細碎為  
冢為鐵碑々々々經弘化寺故惠安伯張襄靖碑墓  
並毀抵壽安寺若天闕峙以浮屠勢固雄而哀相現  
矣飢僧二三人踏落葉守敗椽娑羅二在殿前右圍  
三人有奇左殺其一垂蔭半畝又卧佛殿丈六金身  
右臂支頤不卧神祖以錦衾覆之像自有唐與娑羅  
同植明僧濟舟重立萬曆丙戌上碑之按王漢陂思九  
集云蓋屋縣西山普緣寺殿前石塢々中空塑二病  
佛側卧且死諸羅漢按摩哭泣翻博備極情態康德



涵戲曰佛云此無常耶夫示疾固不得正法而庚元  
規所謂疲于津梁更可會也還飯少頃趨香山別碧  
雲西面三里也隧道踵接惠安伯張氏司祔王之心  
氏並著王氏尤偉白松葱蒨歷香山之永安寺流泉  
融于方池渠其上游鯨閑出亞于碧雲巖樹叢幽穹  
階挽繡而上折登藏經閣俯南北二刻稍左來青軒  
與閣俱東向而軒當其坳平虛蕩闊重嶧板拱前曠  
如也嘉靖丙申三月駕幸一萬厝駕幸且曰來青軒  
曰清雅俱神祖畫徑尺又曰望都亭曰鬱秀略次之  
並揭于楹楹帖金陵朱侍郎之著慈恩依雲根間也

窄愛看山色放插低又給緣 題聖祖當年稱獨罕

神孫特幸寫來青

金章宗祭星臺址首前山出過無

量殿旁墓司禮張誠又司禮李思俱萬曆間巨階北  
即整潔張氏白松十莖斗大入弘光寺維福小千佛  
閣址八棧不圓其制環像不逾尺永樂中朝鮮國王  
李晌進蘭人郊同歷太監提督雁門等關四使朝鮮  
卒成化初所建寺閣從國制云下階緣蹬道螺旋十  
折唯屬于肩輿屬于薊僧陰次蔽赫曦不下出寺門  
又永安寺之石梁也日薄桑榆始還但夢後聞香山  
鐘聲起步月下山空犬吠庭奇被露清滴作微響似

蘇子瞻呼張懷民游承天寺竹柏杳々然永懷不  
寐何羨秉燭哉已假榻晨別寺僧而東就北道以南  
迴遠也明懷獻悼恭哀冲莊敬憲懷獻故太子七衛  
許忻中尉岳景穎威薊均靖邵簡懷悼故王十七陽  
主二十六仁廟妃三宣廟妃一英廟妃一憲廟妃十  
二並葬金山哀于北道丹碧傾圯榛翳填塞游魂天  
絕塊然無知何足多恨第託體室裡次至尊一旦  
飄埃驚塵外哭幽寢中帳零落玉盤人間能無痛乎  
景皇帝陵直金山口距碧雲十里松楸在望徑金山  
之脊東里許大功德寺久廢門以内僅古松數十章

道殿供奉毘伽彩漆大于斗繪四金剛像宣德  
初僧雲峰所製不脛而走徧扣朱門射施雲集故寺  
成最鉅虎 廿四以金剛塑像擗惡毀之外佛來食  
金剛素芥一陸一替時為測之金山連玉泉山出為  
西湖支流縈亘二十里經高梁橋入都城寺之南支  
流所縈也水清可鑑菰蒲疎淺度板橋沿隄稻田如  
吾鄉秋色行久之水涸而土嬴旱農多菽稷歷洪慈  
宮萬壽延慶二寺俱雄駉焉萬氏白石莊前為白石  
閘臨流數柳差存風概尋入阜成門元平則門自宣  
武門元明承內出薄暮跡郊中以北道眇而較捷矣

向者渴西山荏苒不自決及會余餘勇朝發而夕至  
昨適而今還語有之孟賁之猶豫不如匹夫之竭蹶  
也

談遼曰余于碧雲信宿矣其山聚竇右鳳凰以形似  
之壽安寺山亦曰壽安凡山皆髡稍髡者香山淫而  
未肯徃時多虎豹天啟中得豹今安于髡獵師亦何  
利之有崇禎己巳東人深入山中逋民百餘立白旆  
二于山上數弩引渴惟敵之是俟東人遽退枕險守  
要亦其一微矣忠安伯張慶臨死最烈宗人果流滿  
洲無存者前歲故貴妃袁氏妃氏間葬西山各

賻五十緡同山僧曰否々一函香膏安所得青塚哉  
且徧行中青塚間廣隘崇峻十倍思陵生為萬乘  
雄沒不遠萬里以彼準此泪如絢縻矣玉泉山故金  
章宗行宮及芙蓉殿我明宣宗有亭擬移武不夫  
之渺焉白雲中烟散霾迷至于景帝陵在昔痛之  
何論今日哉何論今日哉陵北二里天下大師之墓  
仁和郎瑛曰建文君墓也大師有知己無子園重耳  
之嫌而張嗣宗園松耶柏耶非嘉禾再宿所為解矣

市記

義烏沈立綱萬曆中以材官選張領薊鎮西路曹家寨者十年今七秩矣為言里時忠順王黃台志之有市也曹家寨有夷二十三家而轄于黃苗黃苗每有抵寨下七帳紿望其媼孫先至人以抵閤上馬

下馬報我撫夷官凡三致檄馬亡何宴撫夷公館則參將儼世臨之參將駐曹家寨城距寨十里列校及撫夷官並寨尺咫耳當市期之年列旂軍容甚都黃苗自雄長不遽入遣妻女子媼入館引騎相屬婢百餘至門及庭及階及簷我軍夾隊聲喏者四其及

簾也胡嬀三人猶竚竚論舌人曰我儕于將軍猶兒  
女獨不能起迎乎時叅將坐堂皇不下舌人前聽致  
不許胡嬀徐步將及之叅將起立仍坐胡嬀又徐步  
及坐側手圍其腰叅將亦手其肩且嬀屬不為裂亦  
胡嬀面赤色其姿艷踰等黃甫嬀曰滿旦比辟音支  
其女字他不能支語倘不浪也一子嬀各冠同姑頂  
簇大球成佛字雙鳳夾之衣錦貂裘以鞶帶餘嬀冠  
俱黃白金佛最下以銅于時叅將中席守備左之黃  
苗嬀右之其媳女以次下席並南向彩幕流蘇蓋二  
十有四歲半之進羹餌白梨三馬每進奏笳角叅將



命去人曰朝廷恩待勸娘子倍飲去人跽致胡姬前  
已謝曰蒙厚視兒女輩過當飲之矣坐終席目注不  
飲吸所受執賜從婢母越次茹角三奏參將起去胡  
姬始出而黃甫之宴携致之不飲內也倘不飲吸魚  
人餘部賜酒豕脩故事而已幹吏恣為奸利酒一壯  
水三倍之豕一體雖重三十斤水滲其十胡衆得酒  
不可嚙割豕水淫々濕俎上嘗為之嚙指嚙指者恣  
極也各部或盜竊則羊其賞至悔謝搆刀設誓大帥  
坐撫夷臺下即塞垣之上夷部陣百步外交刃互磨  
舌人脅積錢罪夷犬牽悅出月下謂渝此盟為神所

雖犬不食其餘也又受九、之罰其罪臣則輸牛  
羊馬騾布衾布有紫綠青紅各八十有一種則各九  
之仍許有市所有馬多羸瘠而我布上疏紙不堪御  
以幹吏乾沒非制閭意也蓋有市之概如此余因而  
思之黃苜嘗妻其父妾所云三娘子部事皆聽之今  
所云主嬭豈即其人耶其冠國姑戴佛則因俺答迎  
西僧浸以成俗也黃苜素善用兵控弦數萬桀驁飛  
揚莫可控馭自隆慶末以忠順之才印縻俺答于鞭  
箠之下浸尋日久黃苜之鳴音已從革矣其桀驁塞  
胡嬭主之冒嬭雖強終以閑氏解白登之圍黃苜遠

在冒頓下見愚胡媼固其所也第塞上藉育市以安  
其枕謂世之可亡恙也一朝不戒并雉媒而失之豈  
非狃治而忘其備哉噫塞上捕玩久矣如彼瓦剌梵  
明四十年坐令鉄騎精甲朽鈍荒飽壯者老雖有嬉  
而日以衰則浮屠氏分其驕貽其弱尤表餌所不及  
料也自蔓自斷竟其始末亦遺事得失之林矣故感  
沈氏說而記之

大悲庵記

屆木城之左灌荒弥望頃者僧卜數楹于睥睨之下習梵明熟旃檀像設未及全瓦磔未盡除磬魚鐘鐃之聲未遠微木人之耳有里魁起而詰之曰此向者望司徒之銳士黃弧在焉雖一朝不成于大楚策有烏未可棄也若闕剪我故壘謂不復以一矢加道耶僧聞之起謝曰佛氏以身世為旅泊嘉禾不三宿矧修我牙立我干欵間命矣敬避君三舍于迷得近地徙菴而西土木飢甍增堅而加危金容嚴潔風旛旖旎禾之人咸耳而目之曰前一庵也大悲不

易其名而地易矣易其地而名仍大悲何也佛氏有  
時節因緣時之未至雖達摩東渡不能感有漏之梁  
武迨值其時雖石勒之暴姚泓之昏而能事佛國澄  
鳩摩羅什噫五惡濁世自隆自替自智自愚而佛氏  
悲閻則一也王金城東有老母忽見佛俄爾目上見  
閉目上見了不能避蓋即西徙佛氏悲閻在西猶在  
東也騷場之事一彼一此何常之有而佛之悲閻為  
常浸假而免茲茲來不暇其悲浸假而同秦永寧不  
增其德昔人云願檀越安穩彼亦無恙最得之矣漢  
永明初竺法騰西來寓洛陽白馬寺此中國招提之

始今又化為禾黍蓬蒿之區矣石火電光何足論哉  
卷而觀之而從目前得教于佛事亦眇小者耳而得  
全當日辟壘傾瀉之滋憐青碧血靜夜哀臨吾佛悲  
閔之甚能曰易地豈忍一日少忘之哉完親 等哀  
為茲卷見之矣故記其始末如此

王介人傳

梅里南三十里曰梅溪里以布衣稱詩則吾友王介也今夏道卒子達時嘗屬予傳卒以應今無祿介人即世豈有食言談仲子乎而傳成疇為聽之念介人不吾瞑即地下猶待目焉介人名相父業染步不治帖括塾師蔭唐生能詩吟其緒論尋廢學日坐肆門紹父業則手書不輟淫思刻至粗研如砥隄濠之汁濡楮特莊謹人以錢帛問忽漫應稍折閱一市人皆笑以為狂又同里之閭閻謂王生佻達有微詞殊不長者速之訟而介人性疎豁其詩訖

少可于陰陽牌圖非其素也田租三十鍾足文伏  
臘蓋治詩數百首驟得之儼若一敵國尋見于李氏  
所被褐極論雖銅盤會食猶然欲戲鉅鹿下自後數  
過從詩日進魚工詞曲高自標目雖視諸名家下士  
聞之渺若河漢仍謂王生狂而終不貶口奮膺決臆  
聽者弥駭出者弥憇然介人才特俊字組句烹姿媚  
橫生朝霞夕煙霏二筆墨間琢以天斧潤以清渭其  
詩若綢繆足傳矣又傳奇雜劇數種雄麗極矣王敬  
夫虛次梗不在未之或先也既詩著紳弁俗俚相引  
重徒謬為恭敬不能充君橐嘗浮江淮弭節彭城之



上觀楚漢戰場僅納腹而去又渡錢塘上卷六司馬  
陳臥子大善之序其詞推冠當代今見平露堂集中  
會鼎革士人相尋以兵或謂梅溪可屈也一軍盡甲  
介人夕不及哺馳告所善司理嚴正矩矱諭旨止之  
冒裏得俘甥知其治盜故夫在尋隸之不問直其重  
然諾緩急人惟力是視而我求多于介人曰夫：也  
雌黃在口噫程詩也非程人也何言雌黃哉附五句  
不子甥晚姪又坐他累大破其產心邑：不樂族弟  
庭守廣州遂遊粵道值暴客盡失其稿迨至廣州日  
哦詩為鼠所竊不可句嗟乎咎徵見矣癸巳還宿排

灣有鴉噪于舟楫詔嘆自公中夜慕卒今人服膺杜  
甫：飲未滿令牛炙白酒一夕死其然豈其然乎介  
人舟中詔廣州守子曰果吾亡子當附先人墓樹  
以白楊題以詞客夜臺魂而有子猶戀此風月也噫  
孰題墓門之石者非廣州守即予耳今人年五十二  
詩稿雖失友人周公禰朱錫嘗頗錄十之七其詞佚  
不存又偶失二卷亦雋永可喜其如綠林何今人素  
善謔惜不以孝益語之彼地下得毋胡虛我乎  
論曰介人亡子不足恨所率精詩若詞二十餘年一  
盜一鼠並佐其銘文士見忌何獨察倉侖哉雖然

自昔傳播或累表不為多或片楮不為少彼盜彼風  
能耗今人之富不能漸而滅之則制勝者有在也予  
意先今人一飯常宿其所藪乳一器市沽一甌語輒  
至乙夜今人知我不淺粵游時聞倦我念今出京  
口問排灣不數里車過腹痛天半果其詘才嘗不令  
今人獨死母如子情何也

傳成旬餘八月既朔夜夢今人踉蹌至李楚游所  
而慘沮少坐語笑如恒時予言及若詩稿面慮色  
津喜末日有一近事可附雜俎纔三四語驚寤  
嗟乎一傳豈足慰君地下耶念之弥痛時舟次清

黃石齋先生遺事

秋日遇吳駿公先生所時伏枕語次往事及津浦歎  
曰吾登朝見諸名流如錢牧齋陳卧子夏彝仲即才  
可窺其跡惟津浦吾不能測殆神人也在京師嘗攜  
榼四器造飲先生僅一壺常不襍劇論深久或出白  
麪一甌不加鹽也室無長物書篋數帙選宮寮獨不  
及先生楊伯祥廷麟被命上章推讓先生疏謝非其  
任所注洪範可備已覽謹敬進之其書四  
函各二帙先正文夾注字大如指楮博八寸尺  
有二寸並手書雜引經史百氏之言條源析委從空

凡上三月辨此藁本上雅潔稍塗乙句字目既廷忤  
脫獄謫江右幕而南吾適游西湖返棹馮元龍赴少  
司馬之命同泊塘栖忽傳福建黃太史至意為先生  
也同舟道覓果見小舸蔽以席吾兩人登其首蹲席  
外蓋舟輕不可貯足少司馬語其童以名先生大喜  
延謝索饌四拜訖前被杖雙股猶作楚吾兩人各坐  
一橫木先生坐板上即寢處也述近況四五語即極  
言時事幹濟愛危救傾妮、不止吾兩人欲少致慰  
藉亟可着語注易二帙云得之美里蓬櫬踟躕見襍  
被外硯一筆三四餘無毫纖其童挹河水論茗坐久

之紹興司理陳臥于湖州司理陳達情俱以門人至  
獨身入舟語中夜而別明日先生遺書十餘言相勗  
今思之直學行若人耳目先帝嘗面稱先生者三  
此尤輔所不能專望者間目例呼先生而先生自  
視直尋常人無介詞無傑色暇輒弄吾不善弈先生  
強之曰第隨吾下下又能繪人物善八分書遇山水策  
杖曰數十里不告輒寢未見其挾冊洛誦也間微時  
緣樹啖松室累日父覓以跡編蓬為室盡寘天下書  
穴通飲食三井出應我戊午乙榜天啟身而朕雋意  
其學少年得力噫以朱雪耿有之懿並信國晉山之

氣以京房翼奉之興。黃董仲舒劉向之文。曾不得一  
端名之。殆神人也。吳先生欽。竟俄起坐曰。足下嚶々  
道古如才學直節。黃至並詣求之。千載寧哉。人哉。予  
古橋而不能下。俄青衣進葡萄啖。我盡味書之。燭下

設侯公說項羽書

項羽實太公于廣武垓上漢王患之遣辯士侯公說  
羽詣行營未即見于坐上書曰日者連兵不解再歲  
之間白骨枕道車不得馳馬不得驟耕績流輟黔首  
怨黯仰詛天日大王亦知其故乎楚嘗德于漢其何  
仇之有今暴骸中原漢百敗而志不懈失不盡于漢  
也人莫親于父子有父而違之甥孺為虜此骨仇也  
斷一指得天下凡人不為今雖圍牧不能為大王釋  
且彭越以東生得太公矢又凌雜即出不意以飽其  
望喙為大王制者大王不其然俾目聞于漢以有今



日也劉執相挫漢王之肉易原身不以廢漢王而太公之赴狗則叛楚而張其暴也于大王左矣事且無及或卒焉太公犯霜露不諱尤非所幸漢人食教食之粟守城臯之陰終不我下誓激吏卒曰吾為太公死報也如赴漢日堅而楚日劬大王何不思之甚也大王欲自完莫若終德漢昧太公及呂氏解怨為權吏卒服義反戈而不敢向大王拱揖而天下定矣若猶未也四不在楚諸侯聞之聲漢而有其罪庸竢大王之致師哉臣愚竊為大王計非為漢也羽得書朗善之後竟如其言

報蘇武報武帝書

漢昭帝元始六年春中郎將蘇武歸自匈奴詔武以  
一太牢謁武帝園廟報反命武因奏書曰臣亡尺寸  
功緣先人緒餘荷戟周廬承遺北遣出朔方並陰山  
而還匈奴徂伏滿命之日久所送胡使駢踵就部而  
單于頗益驕淹恤我使臣脫竊我鞅鞢副中郎將張  
勝先不自飭一二奸人左謀連坐故叛將衛律逞志  
于一劍非死則降臣何足言屈節辱命污累先人以  
偷此七尺義之所不出也逆見幽絕羶酪屏廢冬深  
積雪常沒馬目僵體擊齒死不足忌北海之上陽鳥

斷翼沂黃目昏水草違候先凍後榮群孤解嚙甘順  
窮漢以昭大漢之明德始假吏常惠等百餘人連鎮  
深入一旦盡折臣身最相依食不得飽寐不得安明  
年中即將李陵被陷臣聞之摧悼以陛下威德失鞭  
箠之用使戰士填骨有誣廟勝臣少時欲習陵射獵  
歌呼日莫不報來過臣所致臣家禍兄弟譴終臣母  
違養送葬至陽陵臣痛切于心忍涕不下忍肝腦塗  
地殺身自效歲月流積俾口傳殿下宮中宴出遊聽  
天末洒血長號生違禁衛歿隔哀臨萬里疚思誠朽  
螻蟻更復何日今單于悔禍之延天誘其衷臣得入

塞邊城不閉牛羊野牧惟陛下之神武寔式臨之遠  
離闕廷十有九年自臣壯盛終不自達萬歲之後殆  
絕瞻望迄奉新命覩錫山陵松柏森嚴零露漙漙陛  
下神明與天無極且竊髮哀墮喘僅旦晚敢特性報  
命廷之節乃矣犇牛之施其能久乎臣愚昧死再拜  
以告成事于陛下

上大司馬陳表卷書

聞魏勃掃門于平陽退之拒門于寧執雲霄之上東  
聞雖聞而徒褐易阻芒屨相隔遠不自撥萍梗之踪  
遂隆吐握歡時淵泓高深如故蒙以消埃覽倍倫等  
更諭云有一代之興必有一代之制體國經野容在  
後畫遠伏而思之元太宗甲午正月滅金越十九年  
壬子北籍始定世祖至元丙子正月平宋越十五年  
庚寅南籍始各給戶券今開國十年矣蒼擢金利深  
維無窮之計立法定制政其時也往結創集代不數

人尹旦躬九聖之寶房杜繇龍門之學蕭何張蒼雖  
不藉詩書手闢章程終漢不廢得一邪律楚材定其  
根柢百年之間卓然不搖屬者舉世喁々望表計相  
乘今之日寇郡國之長使所生靈之極或興或除奏  
勅成書昭示日月後即有養司墨屬府稍吏窮介恣  
說或卮之漏不窺之燭當代鴻裁孰踰於此噫喪亂  
以來毒我黔首非創于兵則噬于吏非創于寇則榜  
于年時皆災黎僅在下戶今江南溫室或不能飽其  
挈壑宅碑田隲子女而填囹圄指不勝數也蘇松嘉  
湖夙號腴敵價賄十金近委以與人不得下直哀々  
生民始困于明季劇于今日幸仁人君子念切痼瘵

又居得為之地自大有為之志詔曰需者事之賤也  
日復一日或轉期于後之人後之人誰越計相乘而  
上之哉邊雖憊或竊厚覲于計相何以言之學足以  
濟才識足以生膽學不足則為桑弘羊之平準識不  
足則為王介甫之新法耳目之前無長倍量惟計相  
自請先列東南民報曰兌漕曰白糧曰現年曰帛收  
得一石而悉之往制轉漕正糧一石加耗四斗又加  
尖耗二斗六升又加過江脚米六石其後漕卒凌許  
不別隆慶六年定百石加尖潤共九石八斗併前之  
加差又正糧也限十月間倉十一月交兌十二月離

次正月過淮二月過洪明季漸患悍卒虞江我浙改  
九石八斗徵十七金六錢四分民大苦之今增修舡  
盤運觀墊等費每石加一錢八分綱用二分之三十  
七金六錢四分又漕卒月糧四十金行糧十六金行  
糧資漕卒鹽菜每石徵銀五錢取于條賦必渡淮給  
之運弁曰輕骨各處不同或二斗四升或二斗六升  
湖廣則三斗六升故曰二四輕骨曰三六輕骨江南  
皆二六也明季改征本色民又苦之先朝南京倉米  
民自輸挽必先漕訖或半歲或一歲而後竣事今先  
漕而征吾邑距省會僅百里每石輒羨骨六七錢由



近推遠其膏秬甚閭閻之繫瘁如此漕卒之溢羨如  
彼而左民右卒者動曰軍糧夫軍之糧夫非墮于漕  
也本弁版之荒糧道廳歆之淮河各鎮廳胥之儲蓄  
倚窳群吮互需膏倍于明季者三四雖屬民以啖之  
不給也計相稔閭何俟贅述而遷猶曉々者冀行糧  
仍折色稍優其直而糧即地近宜減十之一二于軍  
裁其各項私例如本局糧道護出境止于江淮漕儲  
道居中檄催毋遠役遷所妄議者一也民運白糴粳  
糯隆慶二年奏定府佐一人鈎之州縣佐一人副焉  
正月解維六月告納否則罰六年許同軍舡乾進蘇

州百二十七艘糧七萬六千五十七石松江九十四  
艘糧六萬一千六百四十五常州百二十七艘糧三  
萬三千一百二十五湖州八十二艘糧 萬 十  
百 十石嘉興百二十九艘糧六萬五千七百五十  
石嘉湖專供光祿寺酒醋局餘供內府弘治間安吉  
知州舒城鄭昌奏除安吉白糧意惟正之供民無辭  
第募舟守凍之艱念長府胥之黠收支苛索浮費百  
出為素封壟至傾囊甚者隨身杖下游魂不寐今  
嘉湖改官運津帖尤重意明季遼餉以漕卒便帶若  
量定津費派之漕卒彼樂得厚糈而免官民之跋涉

通所妄議者二也現年法即古衙前之後舊十年間  
一兌漕一現直時官司稀簡物力殷賑今車騎絀  
民一金點重登亡論且董楚妻必其命寅檄卽集中  
傳西候稱貸狎窮百穴難避又宴必華飾舟必俱帳  
廚傳之外金幣無耗竣事輒四百金田經十年如同  
再置工作泛役益無完詰前杜按臺欲裁之有司因  
循未副其望誠中以尺一郵傳雜辦俱額設支應  
及薦節遺所妄議者三也牧舅先朝室錄載如故浙  
西免米麥若干草若干則已入賦額且舊有曆日胖  
襖藥材筋角願料金漆弓箭紙筆皮張絹匹等項款

各執厘錢毫枝冗日恭隆慶中南海龐尚鵬按浙總  
其數定條鞭法海內倣行已久忘其條例宋程琳為  
三司使時惠民稅多名目恐吏為奸欲除其名而合  
之琳曰今為一而沒其名一時之便後有興利者復  
增之是重困民也後蔡京行方田之法盡併之始追  
思其言今馬草入額順治初徵畧於糧長五年加每  
畝七厘二毫而糧長又輸草如故無歲不然無戶不  
複此豈常道之本意耶非嚴示明倫度不能革遷所  
妄議者四也逮本迂朽獲覩計相毅然以天下為己  
任沸者待沃壓者待起公餘清燕出其神匠規九于

掌上籠百機于一旦擘贏酌枯列之象魏仰洲周官  
曠代一時也遽入都以來聞募屯遼陽又楚中果邑  
有茶因竊謂先朝召商墾邊輸粟中鹽邊無曠土今  
若召商墾田遼陽中淮浙長蘆之引似亦易致角羽  
茲萃茶漆壘石布繒紵葛京市輻輳便于召買或盡  
徵折價江南先朝例有鯉魚天鵝鵲梅枇杷笋榴  
柿柑橘蔗芋薺薑芋藕香稻苜蓿等項而北產殊勝  
于南或盡捐其額以蘇民困蓋周人什一而稅孔孟  
稱之漢人二十稅一宋時賦徵八分版畝住催其賦  
平江粟二十萬元人減之僅百萬凡開國刑賦恒輕

表末刑賦恒重唐代肇興並從簡約常元之初開原  
稍警旋即安枕矣吳浙宴然以苦稼公田之累如釋  
重負有祝而無詛則輕徭薄賦寔有以招徠而深結  
之也舅堯安議知突尊嚴弟持朴榆之舊祈垂矜察  
筦仲柄齊樂聞說切之言蕭何佐漢乃設書過之吏  
况計相偉略雅度恢弘廟算有進于此者乎靈無似  
謹皇恐竢罪

上太僕曹秋壑書

日枉駕過存款語殷洽此自門下隆誥非鄙生所敢  
望也蒙諭史例矜其愚瞽許為搜示私衷銜切靡可  
言喻何也邇本寒素不支伏臘贖書則得于鍾衛貸  
書則輕于韋布又下邑褊陋薄規緗雲問其鄰架率  
消帖括墨問一遺編卑詞仰懇或更鼎欽新允不一  
嘗夢寐即攜李鼎間亦相聞以前矣推諒頗少推  
門下窮覽丘索穠隱茂潛有安世茂先之博瞻無向  
款次道之蒐羅欲提鉛系繫執鞭供楮少効一日之  
從沒盡亡憾計其宿指早鑒徹于門下今北游萍梗

復獲趨侍而向且未即前者自下躊躇瞻登之賤情  
及左右今日曰某書我渴明日曰某書我療屢犯清  
燕開罪何極俄居停傳命忤舞欲狂以迂癖如逆郵  
鄉涕唾之餘輒見虛左列于九、遂可飲飽腹豁蒙  
目矣嗟乎頃遘兵燹訪采尤難時刻充棟類非所急  
若閼切要茲加編秘明初危學士太僕脩元史撰累  
餅勞一老兵與言舊事元初王學士鶚有志金史于  
故金部今史實祥得二十餘條于司天提點張正之  
得災異十六條于張承旨家得五條于尚書楊雲翼  
家得日錄四十條于陳老得日錄三十條頗多重複



太原元好問採亡金事寸紙細書錄至百萬餘言今  
所傳中州集壬辰雜編全史多存之古今人不相及  
逮更謗考余逢掖而謀朱墨祇見其望洋也幸大君  
子曲閔其志託在後來假以程限廣賜携閱旁徵側  
索犬馬之愚猶堪策厲祈門下毋我燭覈其榮施豈  
有隆哉先朝召對事述云在朱都諫子美處及祕錄  
公卿年表等萬乞留意祠曹成素所厚善者于宗室  
堯聘大臣貢卹月日可詳時難于筆翰耳希望萬一  
企踵踐之慙速不自量妄干奎綽罪甚罪甚然素有  
私誓此生不清書已矣與所限第表世得獻吉元美

輩重生為具侍史手致筆墨勝王皇香紫吏也今得  
即事門下寔出意表謗云現報知非誑詔冒突尊嚴  
味死以聞

寄吳默宣太史書

遠本疏儻雖同梓里被禍自阻暴腮無繇庚寅獲謁  
應駐生平叨因旅食暫逐長安擊管路纏旌交驚微  
隱弋潛蟲江表屢北其轍方興之朝仰佐新運非  
曰羽鱗寔難踰伏願良禽擇木不慕鄧林至寶在璞  
不求泣血此圖門下所明也日者東南素望翔集一  
時名位赫矣輿情羣瞻龍門非高鼎呂非重顧盼之  
際俯溢青萍齒類之餘身增羽翼于是人人松公輔  
之器字々挾風霜之嚴宥容填門丹青並鑒悠々千  
載舉目超乘一朝不戒零霜未萎猶攬結芳華鞭弭  
牛耳鞞索輕浮奔走相厲心竊異之獨門下墜足西

湖之上黨塵如悅祭則漢臘谷則王官梁燕去來堂  
非王謝芳草晨莫地似沅澧而不涉李之升今不  
自明夸之悔域哉始終一致汗隆国道也嗟乎先氏  
塞運何代不有銷戶埋品頽腐草木周秦以來度不  
勝數未嘗邀西山之餘甘斟牛工之遺溉也若呶々  
焉号于人曰我荆而我西陵安知荆南西陵非遺民  
之捷徑乎古人信心之語較然不欺廬陵設遂其黃  
冠自一瓢一笠以終其身其傾家募士在真州奔播  
之日則可在燕京羈旅之後則未可也末俗拘論略

無轉諒凡得志則並律以羊渭凡鼎革則並繩以首  
陽嗟乎出處道義各有本末事未易一二為衆人言  
也突梯首鼠營逐輕肥一離槐棘眉目俱喪故蘇威  
隨之佐命逆拜王世元于馬前即且甘帶鳴梟嗜鼠  
原其積性不足怪也或樹怨深于漚麻怵禍同于紙  
犢百口未保闔門易危目之偕面彈冠改志誓墓諱  
匹夫之小諒效時青之馳驅亦其一也若夫介不違  
物身不沿流負君宗之望而無標榜之累抱眉山之  
才而無戲詭之嫌閉門合轍清議衆推九鼎未淪于  
泗水大命稍遲于幹難望梅霖揖早集門下事會不

常遜荒外野程陂少鴻隙之謠枋頭鮮次骨之恨仰  
天懷衾影並適前預爲判足符國論然白駒絕于  
逐鹿鳴鶴和于瞻烏身名離合得喪秒忽月旦在其前  
史鉞在其後門下屏居籌之熟矣夫留夢炎王積翁  
之與馬廷鸞家鉉翁也并日而論之判不相入在常  
日若曰夢炎積翁命伊尹之五就在今後則曰廷鸞  
鉉翁命伊尹之青門矧錢江帶水澄之不清撓之不  
濁林下一人罕見其匹猿驚鶴怨何煩逆計而遷猶  
忘其踈賤神馳左右誠以涵之者或易逝獄之者難  
搖義熙乙革僅存甲子之書德祐久亡或錮胥井之

史事有相反而寔相成者桐江不明光武之大其類  
不全堯舜之隆乎第今布衣帶索之流闔閭懸隔偶  
佔楚歌漫寄擊燕筑海日江潮磨甯王之逃敗隻鳬  
乘雁翔溪渤之浮游蜚欲較劉石于權衡挈尋丈于  
矩度竊嗤其人懷蠛蠓螟方茲為眇彼冠冕人倫領  
袖士類自屬鉅材尺寸銖兩毫不可借雖非其時祗  
青珪寡一節一竹風斯下矣遽仰止殊切羽使唐突  
倘蒙垂鑒宥以深謀月卿蘿銘先傳枋得之心丞相  
生還鉅俟矣午之情過慙安陳嗣還荆謝主臣主臣

上吳敬公太史書

昨蒙延晤指示純謬深感指商有道傾蓋遠自恨絕  
振翬脯志浮于量腸肥腦滿妄博流覽尤于本朝欲  
海鹽豐城武進之流皆鼎血指而家本擔石飢梨渴  
棗遂市閭戶錄書重誦百里之外若不堪述條積函  
歲稍次年月疏之或編而事之先後不悉人之本末  
未詳間見邸抄要昧斷爛凡在機要非草野所能窺  
一二也如天之車門下不峻其龍門輒垂引拔謂對  
菲可採林朽亦薪遽即愚蒙敢于懇阻古人著述當  
求一代之鼎呂而質或馬文史散落更有蒐訂王隱  
見軋于晉紀湘山祇成其野錄正以舛悞過甚並僻



自安也門下以金匱石室之領袖聞見廣洽倘不遽  
棄祈于純謬掾筆拈出或少剗原委蓋性好涉獵過  
目易忘至于任耳經宿之間往往遺舛故于今日薄  
有私慙非謂足辱大君子之糾正而曲學暗昧墮整  
赴谷上門下所矜閱而手援之者也竊遙璽帖凡有  
秘秩恭陳分青弥切仰企記室所抄春明夢餘錄宮  
殿及流冠緣起乞先假啣謝不既

又

日袖大集迨昏而竟迴環抽緝遂涉連辰竊有私旨

臨文勃然不敢輒匿謹質之大君子當代文園塞籍  
琅琅雖前有北地並有厯下新都而門風孤峻承流  
頽少惟琅琅踰冠擢觚家三戟而身八座鮮華映帶  
傾動寓內朝劉子威時地同孫文融馮元成湯若士  
輩生稍晚俱外葵丘之盟窺彼諸公不無悼之而王  
氏之學堂與雖窮閭域易獵所避唐宋人之輕靡而  
不能盡謝其煥密第以秦漢之紀律部位之耳孫武  
子用三駟有一敗二勝琅琅之謂也一時附麗而起  
者如雨如雲及身而已并腐草木非此曹子不自為

扶餘也學王氏而局之俊孟其衣冠人之抵掌至于  
盜狐白裘解齊相之縛猶未易才况能治及九鼎表  
及長城乎噫何琅琊後之寥々也歲星在吳文不終  
厄牧齋得其潛蘭卧子得其豪筋而門下之風骨又  
蛻琅琊出之入之讀者不知為王氏學也二三百里  
間五六十一年內婁江再興而餘皆分身或小有差別  
總不離其胎息蓋末俗薄惡知以所短詆王氏不知  
以所長愛王氏虞山雲間俱善愛者也虞山工于轉  
掣卧子工<sub>于</sub>直入門下不吐不茹設端合轍妙極匠  
心灵腕全應借琅琊而在有不慙比鄰之望哉嘗嘆  
琅琊愛弟已添同執哺糟吸醴頓還今日誠末法之

快事也諸王晚仲吳志衍等志始知粵蜀之陷書宋  
九青遺事深合史意因念近來英流不幸喪身或早  
獲膺下或適與禍會文獻缺飲恨泉壤祈門下據據  
據所見聞綴緝另帙如陳同父之中興遺傳程望墩  
之宋遺民錄則哀痛出籍光回靈簡敬以進之門下  
本欲躬奉決腫未沈妄肆臆知有以原之也

上霍魯齊大理書

公卿不下士久矣倒屣入幕輒艷流聞况虛左于夷  
門率先于塾上求諸往牒駕不多屈而遽非其人  
特荷軒蓋枯木朽株先容無往及掘趨階城之下諭  
其始末以攜李魯太常並餘遽加剪拂夫術莫賤于  
九上不礙延納事莫輕于馬骨茲可市駿懿躋代興  
會逢望外日者門下懷一示不朽之業垂引末學竊  
謂千秋非遠閩中獨霸閩茫間混北地前無古人德  
涵允寧溪陂浚谷並奔軼一時掉鞅六合其後齊吳  
江楚之才旂鼓相向三奉銅盤于閩中未嘗摩壘而

致師也前聞于魯太常曰北人于山見黃河于水見  
黃河于野見長城荒塞古戍雄關于人物見鉄騎輕  
車橐駝胸襟無一纖靡之氣涵其心日南人雖秀羸  
而文出于孤蘆之間土輕水淺風氣靡、較之于北  
大不相侔也噫自哉言乎才因地生寔為篤論王右  
軍進慕于成都遷上神馳于三輔而塞駕不力略似  
蠹魚勉涉獵志偷于量觀書雒陽之市就宅春明  
之坊有醜面目徒抱私歎今門下徵文致獻踵至有  
日私自慰藉倘因是償其宿負究竟初志貴于官千  
石富于積犇頓宜虛語哉名世在上謹當默而忘

其愚且賤以干于下執事者誠延桑榆之景限斤鶚  
之卑慶其適而懼其晚也既辱知遇何敢卒諱日夕  
引領以望秘籍曰庶撫我乎如矜其狂瞽凡輿帙微  
言悉得頒示將來啣報之誠或有華陰楊氏之已事  
在又所呈殘稿筆門圭竇之人安知掌故性好採摭  
草次就錄決歲以來句間字拾繁如亂絲卒未易理  
幸逢鴻匠大加繩削尊論云史非一手一足之力允  
佩良規翹企以待

寄張元咭書

十月抵燕謁吾鄉計相述門下近狀即以出山問答  
之曰渠髮種々自要斷長安計相笑謂部檄已下恐  
不能御愚無敢復言退而思之富春羊裘加以束帛  
連束阜帽致之安車鼓鞞一時遊聽為快第清泉白  
石相需已久驟而聞之非所以慰辟藩而安松菊也  
且搜岩剔壑事方創始磴々之節有司未諒煮鶴業  
琴強為勸家駕則門下何以應之古人三徵九辟終  
得自由移語今日頗煩秘書凡保有邁軻貴于相成  
引井避疾概緣高蹈文侯容以鑿坏豫州全其冰鑑



形跡潛孚未嘗勢督今或尺一尊嚴堅祈赴道築土  
室之為晚卻蒲輪以無從事容有之何能逆計又經  
殊于渭鸞奪于烏同黨之間嘗分吟域于是從史群  
符敦導使指吳市誰託牛口欲討是俱搢求在曲全  
上之不拂白駒之心下之不違紫芝之志權衡尺寸  
其化推移諒高明獨得非下士所可預也愚曰旅食  
頗迷時情弓旌之招各有根妻緇衣見咏如我門下  
指不多屈北羽常便翼于計相處懸桑榆之景弛輶  
傳之期彼若降心似為得策矇瞶之甚竊恃道契披  
呈奉末餘非所急未敢遽聞

寄徐道力書

談遽頓首道力太史足下日雨別已從還役得登舟  
狀嗣後絕無聞向念笳吹金奏之間擊鼓其鏜盡除  
措大習氣獨不可祛疾乎哉諒為足下私愉快也自  
行後長安奔棋頃刻異狀巧非有餘拙非不足弟從  
觀旁雖柯爛無益第指其口呼醇酒耳足下當嗤我  
迂腐錄今覘之吾鄉二三君子方其孔棘逃徂脫獲  
之不暇則區區敝貂未可謂天之薄報也足下今胡  
胡世胄而第以此言進又咄咄狂奴故態矣館課譚  
字御試者再初賜衣三人邑子預焉其次大不稱旨

致寔怒假足下在度必筏喻而往惜麻衣如雪今此  
曾子破花碑耳聞東南嫁娶殆盡一時誤傳鴛鴦七  
十二一一自成行其適也史二卷行便附候起居冬  
寒珍攝時昔弟思家懷切有寸楮 寄幸甚

寄張連侯書

記乙酉春仲遠侍玉父遂接芝宇款洽累夕更中未  
約菊芳蘭秀秋以為期奄忽不造各乖羽翰荏苒久  
之值友人華陰之使郵致玉璽尋聞山鵲不懷之耗  
即為位而哭吳晉跡阻冥璣非隔又聞世丈果諧仙  
耦扶輿故土吳楚以來弓裘莫問有能支脩維墜不  
喪也嗟天之佑善人非淺鮮平泉之石午橋之松清  
蔭餘芳得還疇曩幸之幸也倘不其然直當委運不  
足膠輶神明煩我臯宰第太夫人春秋已高百無可

侍仰懸垂白自軫台念又先師詩若文種、尊公嘗  
刊其詩于金陵後此未續其文潔古有法型莖往旌  
出以靈銳伐毛滌髓尺牘信腕吐納雲霞膠州高相  
國推為近代第一祈力加搜索付之剞劂或時詘工  
艱乞錄別本三四備萬一之虞不佞今 游燕冀乘  
利便矣難絮酒酌先師之墓以畢宿身政恐途窮路  
左掃壘無日因寓廬後覓劉氏敬勅狀居起餘不能  
盡

與浦江鄭維持書

少清國史執仰名聞謂安得身至滬陽蒐其遺藁忽  
值門下如見典型既恨其晚又自顧踈踈欲前且却  
者屢矣尋懼終外則壽張百忍之規江州御廩之初  
唐宋難進目前未失故突冒行轅果蒙垂誨踈夢俱  
恬非可云喻第餘微未悉倘不見吐新筆示涯略更  
慙飢渴又宋景濂後裔雖在蜀之華陽而青里尚有  
其人乎無也并賜裁教自揣赧色而就噴勤篤或不  
我嫌倒囊間諭九鼎大呂榮感為重

寄李楚柔書

便鴻雁、所以不報附者跼于繫也故寧靳其羽令  
道力直而南矣擬託泛于李郭之後居停堅留不能  
引決遂少滯也嗟乎知我者肯每異道力劇論輒嘆  
足下負雖烏衣門第令人誰慰藉者等因吾輩謀生  
之戚薄于寢丘古詞有頌病行厄士值此尤足耗志  
今之日度井臼之色愉如也不即當外塾矣向平之  
累方始足下嘗欲遠游豈膝僕即僕止泥塗之人也  
載浮載沉深自安于謫劣世有唾我者且張吻而受  
之痛踈其着面哉口既拙訥年又遲暮部門游入如

蟻日伺貴人門對其牛馬走屏氣候命辰趨午俟旦  
啟啓通作極欲死非拘人所堪于是杜門永晝而借  
人書重于卞氏臂不復可得主人鄴架頗同故紙目  
翳不聞五步之外飛埃襲人時塞口鼻惟報國寺雙  
松近在二里伺僕表曲踰旬輒坐其下似吾塵中一  
客友也去秋謁思陵訪西山近七月末走三十里游  
故外戚李氏園興勃々思酒傾大酒一升委頓而反  
決歲行踪止此霍司馬八月勗河往淮汴間吳駿公  
先生雖善病惟善名理故不廢玉柄塵尾賴以撥悶  
更訂史論頗得張僧繇點晴法秘不示人餘詩若又



觸感輒成亦秘不示人其代斲者焚稿嗟乎僕文無  
可稱往日惟張藐山先生極加賞目近值墨江興足  
下三耳足下名不出閭里然知我者無貴賤異也餘  
俱以面皮相許非其寔矣明者益究先朝史凡凡言  
隻行犁然有當于心錄之無遺擬而還後作記傳表  
志三年為期所不敢輒語人私足下道也明春市沽  
又費君家錢若干萬不約爽

典唐去矜書

徒遽捐首去矜足下吾兩人蓬髮衰頽而僕甚之萍梗之踪各不相聞倏焉劍合得窺鴻製深自感慨僕雖老種之矣又何足言覽足下自叙歷落感慨為僕寫照矣是以輟弦之歎尚未絕音寡和之曲或堪同調也嗟乎今為何時而侶謝翱于方風埒淵明于遺民僕非其人何敢僭擬雖然僕雖不肖嘗奉教于君子矣况淵蹈海慚謝古人而遼東卓帽吳市監門今亦悠悠諒足下擊筑之餘當為共悼也噫生平已矣無可言矣私衷哽咽見嘔心如足下胥江之濤即三

日不流未足宣其弊也明農集淫錄上車簡入